

16

I. N. 7. 3. unius in omni
omni. Compositio
DISSERTATIO ACADEMICA
SIGNIFICATUM

FIDEI

ROM. XIV: 23.

DEMONSTRANS,

QUAM,

Ex Suffrag. Ampliss. Facult. Philosoph. in Illustri Academia Aboënsi,

Sub PRÆSIDIO

VIRI MAXIME REVERENDI atque CELEBERRIMI,

D:NI **I S A A C I**
R O S S,

S. S. L. L. PROFESS. REG. & ORD.

NEC NON

FAC. PHIL. H. T. DECANI Max. Spekt.

PRO LAUREA

Ad publicum examen modeste defert

GABRIEL ALCENIUS,

V. D. M.

In Audit. Majori Die XXVI. Martii Anni MDCCCLX.

H. A. M. S.

ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.

Viro Admodum Spectabili atque Consultissimo,
Dn. NICOLAO WETTERBLAD,
Civitatis Christinæ Consuli Æquissimo,
Fautori optimo.

Viro Plurimum Reverendo atque Clarissimo,
Dn. JOHANNI ROTHOVIO,
Pastori Vicario in Ikalis meritissimo,
Fautori Plurimum honorando.

Viro Spectatissimo atque Prudentissimo,
Dn. JOSEPHO PELDAN,
Mercatori Civitatis Christinæ adcuratissimo,
Benefactori & Amico exoptatissimo.

OR plurima prorsusque singularia, fibi præfita be-
neficia, VOBIS Fautores Optimi, dissertationem
banc, cœu grati animi tesseram consecrare voluit ac
debitus.

NOMINUM VESTRORUM

cultor observantissimus
GABRIEL ALCENIUS.

D. A. G.

S. I.

Quemadmodum in exponendis perplurimiis aliis Scripturæ Sacrae locis, interpretes abierunt in diversa sententiarum divertia; Ita nec inter illos convenit de vero atque genuino sensu dicti Paulini ad Rom. XIV: 23. πάντα ὁ οὐκέτι μετεῖναι, αὐαγέται εἰναι. Ubi de voce πίστεως maximus est dissensus, non solum inter Patres Ecclesiæ, verum etiam inter Papæos, Reformatos, & Lutheranos. Quod ad Patres Ecclesiæ attinet, putarunt quidam eorum, ut Chrysostomus, Theodoreetus, Oecumenius, Ambrusius, Rhab. Maurus, Theophilactus aliquique, Fidem heic capiendam esse pro conscientia recta, seu pro recto animi judicio. Alii vero, ut Augustinus, Prosper, Bernhardus cum pluribus, hoc loco Fidem salvificam seu justificam, intelligendam esse voluerunt. Pariter magna diversitas inter Papæos haec in re extitit, ex quibus imprimis nominari merentur, Rob. Bellarminus, Cornelius a Lapide, & Gwilhelmus Estius, qui, hic conscientiam rectam; Alphonsus autem Salmeron & imprimis Jansenii as-

seclæ fidem justificam, intelligunt. Nec major circa vocem *fidei* est inter Reformatæ Ecclesiæ Doctores consensus: Sic *Maresius* fidem pro justifica sive salvifica, *Hugo* vero *Grotius* & ceteri, pro conscientia recta, accipiunt. Nec inter Doctores, nostræ Ecclesiæ *Evangelico-Lutheranæ*, eadem hoc in puncto est sententia. *Fidem* justificam heic intelligendam esse tuentur *Lutherus* in *Glossa marginali*, *Brentius*, *Hunnius*, *Baldinus*, *Wellerus*, *Waltherus*, *Job. Ad. Osiander* & *Abr. Calovius* ceterique, in qua significatione hoc dictum etiam citari in *Apologia Augustana* confessionis videtur. Taceo illos, qui quidem Paulum hic per fidem *rectitudinem* innuere conscientię concedunt, simul tamen significatum voluisse docent, quidquid non sit ex fide *justifica*, peccatum esse. Quo fere *Joh. FRANS. BUDDEUM* retuleris. Postquam enim ille in Inst. Theol. Moralis Part. I. Cap. I. Sect. III. §. 20. monuisset *Chrysostomum* aliosque Patrum non minus, quam recentiores quosdam vocabulum *fidei* h. l. pro *recta conscientia* accipere, nec ab Apostoli mente id alienum esse, addit: "Quæ sententia tamen Apostoli salva est, si etiam in eminentiori illa significatione vocem *fidei* capiamus, qua filiale erga DEUM fiduciam merito CHRISTI innixam, significat." Quod etiam in sequentibus probare annititur. Alii contra, ut *Joh. JAC. RAMBACHIUS*, *Christoph. MATTH. PFAFFIUS*, contendunt Apostolum heic intelligere rectum conscientię judicium, sive ejus convictiōnem. Quos inter vel maxime laudandus *Königius* no-

noster in Procœmio Cas. Conscient. cuius mens, (nam verba, cum liber non sit ad manus, accurate non damus) huc fere redit, - minus solide eos locum nostrum tractare, qui eum de fide salvifica exponunt, quasi peccatum sit, quidquid non est ex fide: Sic enim sequi quod peccatum sit edere, bibere, deambulare: Quem enim hos actus propterea suscipere, quia credat peccata sibi esse remissa, aut solum CHRISTI meritum sibi ad salutem imputari? „Quorum sententia proprius ad Apostoli mentem accedere videtur. Quod dum paucis, pro modulo virium, exposituri sumus, Tuum Benebole Lector, favorem, qua decet observantia & officio expetimus.

§. II.

VOx ~~misteriæ~~ in Sacris Pandectis varias habet significaciones. Denotat enim interdum constantiam in servandis promissis, Rom. III. 3. interdum etiam assensum designat, Joh. XX. 31. qui, quoniam pro objecto habet res divinitus revelatas, fit ut ipsæ res fidei nomine nonnunquam veniant, quo modo hæc vox adhibetur, Gal. III. 23, 25. Si autem huic assensui fiducia accedat, quæ pro speciali objecto habet meritum CHRISTI, vocatur fides illa salvifica pariterque justifica, hujus fidei mentionem facit Paulus, Gal. II. 16, 20. &c. Denique etiam sumitur, pro convictione conscientiæ, rectoque animi iudicio de actionis hujus vel illius moralitate, Rom. XIV. 2, 22, 23. Quod nobis nunc probandum incumbit. §. III.

§. III.

A Postolum nostrum citato loco Rom. XIV. 23. voce *πίστεως*, intelligere convictionem conscientiæ de actionum moralitate, eo tutius afferere possumus, quo certius constat: (1:0) usum vocis, non dicam in pluribus Sacri Codicis locis, sed imprimis per integrum Cap. XIV. hujus Epistolæ adeo nostræ sententiæ favere, ut vix sine absurditate vel, ut lenius loquar, non sine coactione, alia ei jungi queat notio, quam quæ ei a nobis tribuitur. Patet id e versibus 1, 2, 5, 14, 22 & 23, in quibus omnibus *πίστις*, *πιστεύειν*, ejusque synonymon *πληροφορεῖσθαι*, constanter opponuntur dubitationi. (2:0) contextum pro nobis facere: non solum de sensu totius dicti alicujus, sed etiam de singularum vocum significatione ex contextu, maxime propinquo, judicium prudenter ferendum esse, scite monet *Rambachius*, neque ullam admittendam esse explicationem, cui orationis series ac cohærentia contradicat, interpretemque minime decere, dicta extra suum contextum rapere, confer ejus Hermeneut. Sacr. pag. 213. L. II. §. IX. Si ullibi, hic sane cohærentia propinqua totius capitatis evincit vocem *πίστεως* denotare convictionem conscientiæ. Loquitur namque Apostolus, tam de robustis *πίστεις* h. e. de iis, qui sufficienter erant informati de libertate Christiana, & convicti in conscientia sua, ritus ceremoniales, discrimina cum primis dierum & ciborum, per Christum esse abrogatos, quales fuere multi non gentilium modo

ad

ad Christum conversi, sed cum Paulo Judæorum quoque haud pauci; quam etiam de infirmis ~~in miseriis~~ h. e. de iis, qui etiamnum hærebant in ritibus atque ceremoniis Mosaicis, quique in conscientia sua non plene & sufficienter convicti erant de abrogatione legum ceremonialium, quo magnum numerum Judæorum ad Christianismum conversorum, jure retuleris. Hinc contentiones & certamina inter eos existere, quibus Apostolus heic obicem ponere studet, graviter monens unum quemque etiam in rebus indifferentibus & libertati Christianæ subjectis, ita versari debere, ut si ve iis utatur sive non utatur, in conscientia tamen sua certus sit se legi caritatis nihil derogare neque DEUM offendere. Robustum itaque licite posse abstinere a ceremoniis olim usitatis, modo id fieret sine offendiculo aliorum; infirmos autem posse sequi suæ conscientiæ judicium, utut tantisper in adiaphoris errans. Cumque Apostolus addit v. 22. *μαρτυρεῖ οὐ μὴ κένων εἰσιν τοῦ ὡς δοκιμάζειν*, nihil manifestius quam eum his verbis felicem pronunciare illum, qui nullam hæsitationem conscientiæ sentit in rebus hujus generis: sicut v. 23. eum gravissime peccare affirmat, qui aliquid faciat conscientia non adstipulante, rationem subjugens *ἐπὶ πᾶν οὐκ ἐκ μίσεως, αἰωνίᾳ εἰσιν* h. e. omne quod non proficiuntur ex certa & dubitationis nescia, vel, si id fieri nequit, saltem probabili conscientia, peccati loco & nomine merito censetur. (3:0) Ex illa expositione, qua per misericordiam h. l. intelligitur fides justifica, non

non possunt non absurdā varia sequi. e. g. quod omnes
 actus, quos Theologi paedagogicos vocant, quiq[ue] ve-
 ram fidem præcedere debent, peccata sint dicenda;
 cumque Deus tales præcipiat, eum peccata præci-
 pere statuendum foret: Immo ipsæ operationes gra-
 tiæ Spiritus Sancti prævenientis & præparantis in
 homine ita nuncupandæ essent. Hinc, cum omne
 peccatum omittendum sit, porro sequeretur, re-
 stum usum luminis naturalis, qui ad revelationem
 manuducit, item bonos quosvis motus, qui ante
 fidem in homine existunt, esse omittendos & sup-
 primendos.

§. IV.

HAnc autem interpretationem non omnibus placere §. I. jam indicavimus. Quorum omnium rationes in medium proferre & excutere cum prohibeat proposita brevitas, sufficiat tantum nominasse duos. Viros magni nominis Job. Ad. Osiandrum & Abr. Calovium eorumque sententiam brevissimis expendisse. Putant hi interpretationem §. præcedenti allatam alienam esse a mente Apostoli, quippe qui secundum eorum sententiam de fide justifica loquatur. In illa probanda occupatus est Osiander Annot. ad Hug. Grotii L. 2. de jure belli & pacis, pag. 1231. ubi impugnat nobiscum hoc in punto facientem Grotium sequentibus argumentis: „1:o fidei vocabulum nus-
 „piam in universa Scriptura Sacra ita pro consci-
 „entiæ dictamine accipitur. 2:o ipse textus repu-
 „gnat, tum quia Apostolus agit de fratribus infir-
 mis

„mis & robustis in fide, quales soli fideles, tum
 „quia cognitionem hanc, de qua hic loquitur, per
 „Christum se habere testatur, ut sensus sit, quic-
 „quid non est ex fide JESU CHRISTI, est peccatum.
 „3:0 *Grotius* recedit ab antiquitate orthodoxa; non
 „enim de dictamine conscientiæ, sed de fide ac-
 „cipit hunc locum August. L. 4. contra Julium,
 „Prosper. L. 3. de vita contemplativa.,, Sed hanc
 suam sententiam ipse vir Cel. refutare videtur,
 dum cit. Lib. pag. 1288. adductis moralium quo-
 rundam Doctorum locis, verba Paulina hunc in
 modum exponit: „Quod non ex certa credulitate
 „seu determinato judicio intellectus, licitum esse,
 „quod hic & nunc agitur peccatum est. Ratio fun-
 „damentalis est, quia omnis sciens & volens, ex-
 „ponens se periculo peccati, peccat, & quidem eo-
 „dem genere peccati, cuius periculo se exponit.,,
 Heic fidem sumit pro conscientiæ dictamine, quam-
 vis priori loco pro fide salvifica eandem reddat.
 Sed ut speciatim quoque quædam moneamus, gra-
 tis utique Vir doctus assumit, nuspian in Scriptu-
 ra Sacra vocem *fidei* pro conscientiæ dictamine oc-
 currere. Nam ejus contrarium non varia modo
 alia Sacræ paginæ loca, sed imprimis, quæ §. III.
 ex hoc ipso 14. ad Rom. capite excitavimus, e-
 vincunt. Et quod ad alteram ab ipso allatam &
 a textu petitam rationem attinet, is sane ipsi ad-
 modum contrarius est, quod in eadem §. jam o-
 stendimus. Nec putandum eo rem confectam esse,
 quod supponat, quæ ipsi nemo dissentientium fa-

cile largietur, scilicet solos fideles esse fratres vel infirmos vel robustos in *fide*. Nam frater appellatus fuit, quisquis doctrinam Christi recipiebat & nomen ejus, non obstantibus malis, quæ inde absterre poterant, profitebatur, licet non omnes inter hos plene regeniti adhuc, sed ad summum excitati & in via tantum conversionis, immo haud raro hypocritæ essent, quod Apostolorum increpationes & epanorthoses ad tales, non minus quam monumenta Historiæ Ecclesiasticae eorum temporum satis testantur. Nec sequitur, si Apostolus hic qua conscientiam informat meros fideles, quod tamen nondum evictum est, ut recte inferatur, ergo hic de fide salvifica sermo est. Quasi vero non vere fideles etiam saepe circa causus conscientiæ indigerent multiplici informatione. Nec versus 14. quicquam ad *Osiandri* expositionem fulciendam confert. Nam per *svasum esse in CHRISTO JESU*, quod *nihil per se sit commune*, non potest aliud notare, quam Apostolum ex doctrina CHRISTI adeoque ex fide, ut vocatur dogmatica, qua illam apprehendit, convictionem habere de re. Hæc itaque Pauli verba sunt generalia, quæ non minus convictionem conscientiæ ex lumine rationis, quam ex revelatione, includunt. Contra sensus, quem verbis affingit *Osiander*, admodum est tornatus, nec assensum peritorum facile merebitur. Cetera, quæ sub numero suo 2:o assert, ad meram redeunt confusione bonarum actionum *naturalium*, *moralium* atque *civilium* cum *Theologice talibus & Spiritualibus*.

Quod

Quod licet admodum facile foret probatu, non tamen pluribus jam, propter festinationem Typographiæ, licet præstare. Quæ denique sub numero 3:o monet, nullum contra nos trahere momentum vel per ea patet, quæ §. I. de diffensu Patrum orthodoxorum circa vocem *πίστεως* observavimus. Quod quæso, ab antiquitate orthodoxa argumentum, non dicam *probans*, quod quidem nunquam nisi Papisticis principiis velificari velimus, fieri potest, sed omnino *illustrans* tum *contra nos ducas*, quando nobis favent *Patres* non minus orthodoxi, & forte melioribus usi argumentis, qui a reliquis tamen ejusdem generis dissentiant? Hisce rite obser-vatis, non difficile erit, saltem sagacioribus, Magno nostro *Calvio*, qui in eadem cum *Osiandro* expositione statuminanda admodum est operosus, immo plus satis verbosus, occurrere. Verum cum curtæ res nostræ simulque quam jam innuimus, Typographi impatentia telam exorsam finire jubeant, Benevolum Lectorem compellamus, velit quæ circa nobilissimam hanc materiam adhuc restarent excutienda, suo supplere Favore. DEO interim sit

Laus, Honor & Gloria, in seculorum
nunquam terminandorum

FINEM.

